



UPA-FM 2026/32

18/5-2026

Karen Marie Kyed Frederiksen

**Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerinermi inatsisip allangortinneqarneri pillugit inatsit (Kalaallit Nunaanni eqqartuussisarnermik inatsimmi malittarisassat il.il. nutarterneqarnerat) pillugu siunnersuummut missingiutip Kalaallit Nunaanni Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut**  
(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut  
Naligiissitaanermullu Naalackersuisoq)  
(Siullermeerinnineq)

Naalackersuisut siunnersuuteqarnerinut qujanaq.

Inatsisitigut isumannaallisaaffigineqarneq, eqqartuussiveqarnitsinnullu tatiginnineq inuiaqatigiinni ingerlalluartuni aalajangiisuulluinnarput. Suliat piaartumik, naapertuilluartumik, pitsaassuseqarluartumillu suliarineqarnissaannut innuttaasut tatiginnissinnaasariaqarput.

Eqqartuussisarnermut inatsit ullutsinnut naleqqunnerusunngortillugu, eqqartuussiviillu aamma politiit ullutsinni pisariaqartitaannut pitsaanagerusumik naleqqussarlugu, siunnersuutitigut matumuunakkut inatsit nutarterneqarpoq. Ilaatigut najuutinngikkaluarluni atortut elektroniskiusut atornerisigut eqaannerusumik suleriaaseqarnissamut periarfissiisoqarpoq, paasiniaanermilu suleriaatsit sunniuteqarluarnerusussat atuutsilersinneqarlutik. Ilutigisaanik suliat suliarineqartarnerinut piffissaq atorneqartartoq annikillisinniarneqarpoq, tamannalu innuttaasut inatsisitigut isumannaallisaaffigineqarnerinut aalajangiisuulluni. Eqqartuussiveqarnermi nammassisaqarsinnaaneq, pitsaassuserlu siunnersuutip annertusissavai, suliallu suli unammillernarnerusut suliarineqarnissaanni oqartussat pisariaqartunik sakkussaqaarnissaat qulakkiissallugu.

Tamanna tunuliaqutaralugu Demokraatit innersuussutigaat, siunnersuut akuersissutigineqassasoq, Inatsisinullu Ataatsimiititaliami nangillugu oqaluserineqarnissaanut ingerlateqqinneqassasoq.